



Huw Irranca-Davies AS
Cadeirydd
Y Pwyllgor Deddfwriaeth, Cyfiawnder a'r Cyfansoddiad
Senedd Cymru

SeneddDCC@senedd.cymru

8 Medi 2022

Annwyl Gadeirydd

Deddf yr Undebau Llafur (Cymru) 2017

Diolch am eich llythyr dyddiedig 21 Gorffennaf yn amgáu eich llythyr at yr Ysgrifennydd Gwladol dros Fusnes, Ynni a Strategaeth Ddiwydiannol.

Ni fydd Rheoliadau Ymddygiad Asiantaethau Cyflogi a Busnesau Cyflogaeth (Diwygio) 2022 yn cael unrhyw effaith uniongyrchol ar Ddeddf yr Undebau Llafur (Cymru) 2017. Fodd bynnag, fel y gwyddoch, mae'r Memorandwm Esboniadol yn ailddatgan safbwynt gelyniaethus hirsefydlog Llywodraeth y DU mewn perthynas â Deddf yr Undebau Llafur (Cymru) 2017 a'i dyhead ffiائد i ddileu'r Ddeddf pan fydd amser Senedd y DU yn caniatáu.

Rydym wedi egluro wrth Lywodraeth y DU y byddai cam o'r fath yn gyfan gwbl annerbyniol, ac yn cael ei ddehongli'n eang yng Nghymru i fod yn amharchus yn ei hanfod, a hynny nid yn unig o ddatganoli ond o ddeddfwriaeth a basiwyd gan Senedd Cymru. Byddwn ni'n parhau i ddefnyddio'r cyfleoedd a gyflwynir drwy'r trefniadau Cysylltiadau Rhynglywodraethol, gan gynnwys yng nghyfarfodydd y Pwyllgor Sefydlog Rhyngweinidogol, i godi'r mater hwn a materion eraill.

Bae Caerdydd • Cardiff Bay
Caerdydd • Cardiff
CF99 1SN

Canolfan Cyswllt Cyntaf / First Point of Contact Centre:
0300 0604400

Gohebiaeth.Mark.Drakeford@llyw.cymru
Correspondence.Mark.Drakeford@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Credwn fod gosod cyfyngiadau llymach ar undebau llafur yn gam mawr am yn ôl, ac ni fydd yn gwneud dim i gyfoethogi bywydau pobl sy'n gweithio nac i wella'r amgylchedd cysylltiadau diwydiannol cyffredinol. Yng Nghymru, rydym yn gweithio mewn partneriaeth gymdeithasol ac mewn ysbryd o gydweithredu a pharch at ein gilydd – byddwn yn parhau i weithio yn y modd hwnnw.

Dymuniadau gorau

A handwritten signature in black ink that reads "Mark Drakeford". The signature is written in a cursive, slightly slanted style.

MARK DRAKEFORD